

八大人覺經
佛說四輩經
過去佛分衛經

三品弟子經
佛說當耒度經

二百二
行九

48787



皇圖

元祿九年丙子二月日重脩

懺輪常轉

佛日增輝

山城州天安寺法金剛院置

五經合卷

八大人覺經

西土聖賢集今依舊錄仍附於此



行九

三品弟子經

佛說四輩經

佛說當來變經

過去佛分衛經

八大人覺經

西土聖賢集後漢沙門安世高譯

為佛弟子常於晝夜至心誦念八大人覺弟

一覺悟世間無常國土危脆四大苦空五陰

無我生滅變異虛偽無主是心惡源形為罪

藪如是觀察漸離生死

第二覺知多欲為苦生死疲勞從貪欲起少

欲無為身心自在

第三覺知心無厭足惟得多求增長罪惡菩薩不爾常念知足安貧守道惟慧是業

第四覺知懈怠墜落常行精進破煩惱惡摧伏四魔出陰界獄

第五覺悟愚癡生死菩薩常念廣學多聞增

長智慧成就辯才教化一切悉以大樂

行九

第六覺知貧苦多怨橫結惡緣菩薩布施等念怨親不念舊惡不憎惡人

第七覺悟五欲過患雖為俗人不染世樂念三衣瓦鉢法器志願出家守道清白梵行高遠慈悲一切

第八覺知生死熾然苦惱無量發大乘心普

濟一切願代衆生受無量苦令諸衆生畢竟
大樂


如此八事乃是諸佛菩薩大人之所覺悟精
進行道慈悲修慧乘法身船至涅槃岸復還
生死度脫衆生以前八事開導一切令諸衆
生覺生死苦捨離五欲修心聖道若佛弟子
誦此八事於念念中滅無量罪進趣菩提速
登正覺永斷生死常住快樂

八大人覺經

佛說三品弟子經

一名弟子學
有三輩經

吳月支優婆塞支謙譯



聞如是一時佛在舍衛國祇樹給孤獨園與
比丘千二百五十人共會說經賢者阿難從
座起白佛言願欲有所問惟天中天解脫欲
決狐疑

佛言善哉恣汝所問多陀竭當為汝解說之

阿難問佛言優婆塞學道有上中下二輩願佛

解之行九佛語阿難汝乃為當來後世發此問如

來當為汝說之諦聽諦受內著心中阿難言

諾受教

佛言上輩優婆塞優婆夷受持五戒不犯如
毛髮者若行教授開解人者皆令發菩薩心
何謂菩薩心者念十方人如視赤子度人入

道作摩訶衍行具足教授無所希望不求供
養衣被飯食珍寶錢財之物不為小道以度
人為本何謂小道佛言以入大法作摩訶衍
行求須陀洹斯陀含阿那含阿羅漢辟支佛
是為小道非菩薩法菩薩法者教授一切方
便入般若波羅蜜解漚起拘舍羅得薩雲若
慧當知是人作行來久是過去佛時人供養
師父如佛無異如是行者為上優婆塞優婆
夷也

中輩優婆塞優婆夷者亦受五戒不犯如毛
髮者亦是過去佛時人本學道不值明師不
聞般若波羅蜜不曉漚和拘舍羅但行一波

羅蜜布施持戒忍辱精進一心不於經法中
見慧逮前功德得入人道頗有宿識得生法
門守戒完具視於師父如佛無異終不犯戒
如是行者為是中輩優婆塞優婆夷

下輩優婆塞優婆夷者雖受五戒悉還犯之

若見明師曉法賢者便從受問法要當時歡

喜行九向其悔過罪更精進五戒充無三反復懷恟

欲想不復持佛戒自貢高還自憎明師賢者

謗說長短我更見明師戒深慧當護方便不

知是師但食供養反信受其言不精經戒是

優婆塞優婆夷為擔死人種不當與共會同

坐起壞人好心行開化人民受其法戒希望

供養欲得錢財穀帛給活妻子假佛威神心
不念十方五道中人欲令度脫反為受者作
想不語摩訶衍慧是為不精佛正真之法語
受經人言當避世間人因緣多少飲酒佛有
百味之食不茹人酒家不持戒者若僮客奴
婢請使他人手殺生耳趣手莫為非佛弟子
復限佛功德何等為限佛功德佛言既行開
授人民不欲令四輩聞知
阿難長跪問佛何為不欲令四輩聞知是優
婆塞優婆夷愚心不解自謂為點實不曉了
經中深要之惠不恥不知反為新學賢者作
限礙不欲令見明解好師所以者何欲得獨

供養反蔽障大道是優婆塞優婆夷雖為度
人不見般若波羅蜜不解漚起拘舍羅是為
盲冥專行小道滅教人作福無四等心施不
普及請彼置此道法不使

介時四天王太子使者護佛道神一一記之

稍稍去行九難之勅伺命許集積累具罪修疏戒

必錄白上帝年壽未盡頓遣惡神因其犯戒

之間奪其餘命自然墮落泥犁中當更十八

獄罪至天地燒乃出或墮一禽獸中或入人

道若在人道者當在愚癡不見法家生

佛言阿難道宜數數聚會講說法義不可不

彰愚人道當得斷法滅佛教罪諸弟子聞佛

說經莫不戰慄皆正心受教為佛作禮

佛說三品弟子經

行



佛說四輩經

或各四輩弟子經
或云四輩字經

西晉三藏法師竺法護譯

聞如是一時佛在舍衛國祇樹給孤獨園爾
時諸四輩弟子天帝龍鬼神質諒神皆詣祇
樹稽首佛足却就常位坐

佛告諸弟子吾今所出法經所可教誡皆自
各守其意念末世毒然之時四輩弟子若出
家若居家修道皆狂醉衆色不復兼用佛經

法專愚自用便使吾道薄淡令世人誇訕吾道信是弟子傲慢所致鸞鷲子正衣服叉手一心聽佛說四華經如是

佛言若末世男子能出家除剃頭髮為道者第一去離愛欲志存大乘常當慈悲喜護為主去想行善念一切蚘飛蠅動之類視之如行九身無異不得妄起恚怒深入明度常以明度五權便誘致朦冥使入無極以戒德除心穢病不得為世間之業能行此者便可出家名曰

道士不可依恃吾法自以出家為信不專念道或能有下賤之人倚道自治無益一切而但出意說為人師主輕薄戲調不自檢察使

尊法薄淡世人不信非吾出家弟子之法也
佛言若有女人出家除髮為道以去愛欲當
專精靜處不得與出家男子同廟止若行師
受當有等類不得獨往稟受常當晚出早還
不得妄出廟宿止但得教授女人不得教授
男子所著衣服不得刻繒帛絲色苾芴不得
輕言戲語不得貪財寶物戒行清淨名曰出
家道人若輕言戲謔未語預笑心志不定意
行穢濁惡口罵詈輕言不節不能靜處憍慢
自大不自檢勅者雖復出家故是賤人非出
家弟子也

佛言若有男子心志繫道不能出家者在於

愛欲之中當受持五戒月六齋第一孝順父
母治家養子朝暮燒香然燈稽首三尊悔過
十方恭敬四輩不得慢延自大去雜慳貪常
以至誠不得欺殆世人不得與世間人妻婦
坐起同席住行相隨同室異床除去四事以
四等心普視一切老者若父若母少者若弟
行九若子恒以明度法藥洗滌衆病不得六痿瞋恚
罵詈常以無極方便誘解世人使入大乘不
得為新學者說深經奧妙之義當為除想識
無罣礙者不得綺飾衣服不得與世間妻女
戲擬言語往來報答以致因緣如是者為清
淨道人若行不清淨貪利財色或於世俗綺

飾衣服互相翹舉但結非惡眇昧所欲輕言
戲誕未語預笑託已同法口說妙言外似清
虛內懷貪惑心存賤帛以自供給活於妻子
慢佛尊經不復修學反習外道之術世藥解
奏符呪厭詭療治衆病因緣外道解奏之術
或於賤帛約束上下賤意欲得因解奏之術
不持吾法當來者却皆由斯輩是故非吾法
學弟子也

佛言若有女人不能出家在於愛欲之中心
樂道者當持五戒月六齋孝順父母姑嫜叔
妹夫壻不得搯罵兒子婢使不得輕行來宿
止他家不得與世間男子語言調弄戲笑不

得妄瞋恚罵詈惡口不得證說他人惡不得
陷人兒子妻妾奴婢過惡恒當專精念道為
上首不得與世間凡人說法顏貌不得與人
男子相叔不得教他人男子不得說世間吉
凶善惡災變之相不得憍慢自大晝夜三時
燒香稽首三尊悔過十方稟受經行百數自
勸不得希望供養貪利賤帛不得嫉妬夫主
當自賤女人身願為男子轉身受福可得上
天宮觀自然是清信女人學道之法若不孝
順憍慢姑嫜嫉妬夫主搗罵奴婢造惡自是
怨恨恚怒毒意向人行者如是是為非法學
女人弟子也

佛告諸弟子清慎汝心守護身口恒以四等
濟於衆生以道寶之惠恩施一切如佛教誡
必得度世弟子諸來會者聞佛說經歡喜奉
行作禮而去

佛說四輩經

佛說當來變經

西晉三藏法師竺法護譯

八

聞如是一時佛在舍衛國祇樹給孤獨園與
大比丘衆俱比丘五百及諸菩薩

尔時世尊告諸比丘將來之世當有比丘因
有一法不從法化令法毀滅不得長益何謂

為一

不護禁戒不能守心不修智慧放逸其意唯
求善名不順道教不肯謹慕度世之業是為
一事令法毀滅

佛告比丘復有二事令法毀滅何謂為二

一不護禁戒不攝其心不修智慧畜妻養子

放心恣意賈作治產以相供活 二伴黨相

行九

署憎奉法者欲令陷墮故為言議謂之諛誚

內私犯惡外揚清白是為二事令法毀滅

佛告比丘復有三事令法毀滅何謂為三

一既不護戒不能攝心不修經義 二自讀

文字不諦句逗以上署下以下署上頭尾顛

倒不能解了義之所歸自以為是 三、明者
呵之不從其教反懷瞋恨謂相嫉妬識義者
少多不別理成自為是是為三事令法毀滅
佛告比丘復有四事令法毀滅何謂為四
一將來比丘已捨家在空閑處不修道業
二喜遊人間憒鬧之中行來比丘談畜求好
袈裟五色之服 三高望遠視以為綺飾自
以高德無能及者以雜碎之智比日月之明
畜已 四不攝三事不護根門行婦女間宜
文飾辭多言合偶以動人心使清變濁身行
荒亂正法廢遲是為四事令法毀滅
佛告比丘復有五事令法毀滅何謂為五

或有比丘本以法故出家修道廢深經教十
二因緣三十七品方等深妙玄虛之慧智度
無極善權方便空無相願至化之節 二反
習雜句淺末小經世俗行故 三者經典亂
道之原好講此業易解世事趣得人心令其
歡悅因致名聞 四新聞法人淺解之士意
用妙行九快深達之人不用為佳天龍鬼神不以
為喜心懷悒感口能發言大法欲滅故使其
然捨妙化法反宜雜句諸天流淚速逝而去
五由說是正法稍稍見捨無精修者是為五
事令法毀滅

佛告比丘吾滅度後有此邪事十四之亂令

法毀滅一何痛哉

若有比丘欲諦學道棄捐綺飾不求名聞質
科守真宣傳正經佛之雅典深法之辭不用
多言案其本經不捨正句希言屢中不失佛
意麁衣趣食得美不耳得麁不惡衣食好醜
隨施者意不以瞋喜護身口意守諸根門不
違佛教壽命甚短恍惚已過如夢所見覺不
知處三塗之難不可稱計勤修佛法猶救頭
然五戒十善六度無極四等四思智慧善權
咸可修行雖復後生不值佛世出家為道學
不唐捐平其本心愍哀一切十方蒙恩佛說
如是諸比丘悲喜前自歸佛作禮而去

佛說當來變經



過去佛分衛經

西晉三藏法師竺法護譯

佛言過去世有佛入城分衛與尊弟子諸

菩薩俱弟子喜薩姿容相好皆悉端正如本所

行九

行各得其道有一女人妊娠數月見佛及僧

有所至湊心自計願我所懷子生如此使為

沙門佛弟子日月滿足即生安隱兒亦妹好

與象人異母以恩愛無厭令兒行作沙門中

有覺意即自念言我前有願若我生子當使

為道兒今已生有異凡人令我安隱復無患

露不可戀悻恩愛之故違我本心子年七歲
家復貧狹即作二人飯具及三法衣手持澡
瓶自將其子行詣佛所稽首佛足前白佛言
願哀我子使為沙門令後得道身取如佛佛
即聽之令作沙門母以澡罐前洗兒手應時
九龍從瓶口出吐水灌兒手中澡訖殘水散
兒頭上水之潺滴於兒頭上化成華蓋珠交
絡帳中有師子座上有坐佛佛笑口中五色
光出照十億佛刹還遠佛身從兒頂入母以
飯具前上佛并食其子子便發無上平等道
意應時十億佛刹為六返震動衆刹諸佛皆
自然現佛以母飯飽爾所佛及諸比丘僧皆

等飽足其飯如故亦不損減母即歡喜及無
數天人皆得阿惟越致時見髮隨成為沙門
即亦得立不退轉地母前白佛今我所見有
三可怪我澡兒手九龍吐水此一可怪澡已
殘水散兒頭上化成寶帳及師子座上有坐
佛是二可怪佛笑口中光從兒頂入是三可
行九怪願佛為我分別說之佛言此兒却後十四
劫當得作佛九龍當浴師子座華蓋寶帳佛
笑光從兒頂入皆是其應母聞佛言倍懷踊
躍後當得作母人轉輪聖王積七百世竟其
劫壽盡轉母人身當得阿惟越致佛言是時
小兒我身是我今於世功德如是諸天龍神

一切人民聞佛所說皆得阿惟越致

無熱佛 性空佛 天王佛 金仁佛

過去佛分衛經

五經合卷音

危脆

下取歲反易

罪藪

下音叟

察答

二通用初八反

內著

上音納

恻

胡帖反

諾

奴各反

衍

音演

漚

音起

起

土鳥侯反下和

山城國綴喜郡薪村

山

靈瑞山酬恩菴沙門宗桂書寫之

